

PRIMLJENO:		15.-02-2019	
Org. jed.	Broj	Datum	Vrijednost
01-0V-23	-229/19		JH

Toni Vukadin, gradski vijećnik

Grad Sarajevo

Gradsko vijeće

N/R: predsjedavajući

Na osnovu člana 116. i člana 124. Poslovnika o radu Gradskog vijeća Grada Sarajeva, podnosim sljedeći:

AMANDMAN

na Prijedlog Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo

U članu 2. Prijedloga odluke dodaje se nova stavka koja glasi:

- + Sportske igre Oaze

Obrazloženje

Osobe sa intelektualnim teškoćama su, često omalovažavane i izložene raznim neprijatnostima koje oni subjetivno doživljavaju i često su usamljeni, povučeni u sebe, depresivni i neprihvaćeni od sredine u kojoj žive. Društvo je rijetko u prilici obezbjediti adekvatne uslove i ponuditi programe koji bi osobe sa intelektualnim teškoćama uključili u društvene tokove. U društvu vladaju predrasude o osobama sa intelektualnim teškoćama što im dodatno otežava njihovu integraciju i one nemaju adekvatan status u društvu. Prepoznali smo sve mogućnosti sporta u riješavanju ovog problema. Sviest javnosti je veoma niska u pogledu mogućnosti osoba sa intelektualnim teškoćama što im često ne omogućava ravnopravni položaj u društvu, a to je obaveza našeg društva jer je BiH potpisnik UN Konvencije o pravima osoba sa invaliditetom. Nedovoljan broj manifestacija koje uključuju osobe sa intelektualnim teškoćama je jedan od razloga zašto osobe sa intelektualnim teškoćama ne mogu ravnopravno učestvovati u javnom, kulturnom i sportskom životu. Odsustvo kretanja i umanjena tjelesna aktivnost ima za posljedicu narušavanje zdravstvenog stanja, radne sposobnosti, samopouzdanja i kvalitete života osoba sa intelektualnim teškoćama.

Udruženje za podršku osobama sa intelektualnim teškoćama na području Kantona Sarajevo „Oaza“ od 2007 godine saraduje sa sportskim društvom osoba sa invaliditetom iz Malmea – FIFH, koji imaju tradiciju organizovanja sportskog takmičenja za osobe sa invaliditetom pod nazivom Malmo open.

Sportske igre Oaze i Specijalne Olimpijade BiH je međunarodno sportsko takmičenje koje se organizuje već osam godina. Svake godine se broj prijava povećava, a samim tim i broj učesnika ovog velikog takmičenja, tako da 2018. godine na takmičenju je učestvovalo 34 ekipe sa 450 takmičara, te 56 trenera i aistenata. Takmičari su se kroz četiri takmičarska dana borili za medalje

u osam sportova: plivanje, atletika, nogomet, košarka, stoni tenis, bočanje, kuglanje i MATP program.

Takmičenja se održavaju na različitim lokacijama u Sarajevu, i to: Olimpijski stadion Asim Ferhatović Hase, Sportska dvorana Huan Antonio Samaran - Zetra, Sportska dvorana - Dobrinja, Sportska dvorana - Ramiz Salčin, Centar za edukaciju, sport i rekreatiju - Safet Zajko, Olimpijski bazen - Otoka, Vistafon sport club. Na dosadašnjih osam takmičenja učetsvale su ekipe iz Srbije, Hrvatske, Slovenije, Crne Gore, Makedonije, Austrije, Italije, Švedske, Saudijske Arabije, SAD i Bosne i Hercegovine. Do sada je na takmičenjima nastupilo preko 4.000 takmičara i trenera.

U Sarajevu, 14. 02. 2019. godine

Toni Vukadin